

**Poli à letereŋi shɔnwuŋi ŋgemu  
tun Timŏti á ke  
Mpe yii à yaa yii cè mà jwo yii jyè  
letereŋi funŋɔ jwumpe e ke**

Letereŋi shɔnwuŋi Poli à tun Timŏti á ke, uru u à pyi Poli letereŋi nizanŋi, mpii u à séme na pi nyɛ Kile Jwumpe Semɛŋi i ke. Pi à u niŋjyewuŋi cû a le kàsuni i Kile jwumpe njwuŋi kurugo. U mpyi a cè na uru tèekwuun'à byanhara. U mpyi a cè mú na uru ká ŋkwû, na uru sí n-kàre Kafooŋi Yesu yyére. Lire e u à ŋge letereŋi séme maa u yerɛyi nizanŋyi le u e mà tun Timŏti á, maa màban le u e u báaraŋi mpyiŋi na.

Poli mpyi a cè na Timŏti à ŋgaha ta Kile báaraŋi i. Lire kurugo u à u yerɛ na u pyi uru fiige, u u ŋkwôro u a sùpyire kâlali Kile jwumpe na, bà pi à u kâla pu na mà u yaha nàŋjiiwe mɛ; na u à yaa u a kacɛŋŋii pyi sùpyire puni na, u mú à yaa u a sùpyire taanni Kile kuni jaaraŋkanni na ná lùtaanni i. Bà faapyiŋi maha u kerɛge báare mɛ, u raa báare sèè sèl'e amuni, bà Jwumpe Nintanmpe si mpyi si nɔ cyeye niŋyahay'e mɛ.

*Poli à Timŏti shéere*

<sup>1</sup> Mii Poli u nyɛ Yesu Kirisita tùnntunŋɔ mà tàanna ná Kile nyii wuuni i ke, shìŋi jwɔmɛɛni Kile à lwó ná uru maha ntaa Yesu Kirisita wwoŋɛɛge cye kurugo ke, u à mii tun mii u sà a uru jwumpe yu.

<sup>2</sup> Mii à ŋge letereŋi tun mu á Timŏti, mu u nyɛ mii ntàannamajyaŋi mà tàanna ná Kile kuni i ke, wuu

Tuŋi Kile ná wuu Kafoonji Yesu Kirisita pi ƚwɔ ma na, pi i ƚùƚaara ta ma na, pi i yyeŋiŋke kan ma á.

*Poli à màban le Timŏti i Kile jwumpe ƚjwuŋi na*

<sup>3</sup> Mii à Kile shéere, uru ŋgemu á mii na báaraŋi pyi ná funvyinge e, na tulyeyi fiige ke. Pilaga bâra canŋa na, mii aha a Kile ƚáare, mii funŋɔ ƚye na wwùu mu na mɛ. <sup>4</sup> Canŋke wuu à láha wuye na ke, mu à mɛɛ sú sèl'e, mii funŋɔ ƚye a wwɔ lire na mɛ. Lire e mii la ƚye si núru mu ƚya, bà mii funŋke si mpyi si ntáan sèl'e mɛ. <sup>5</sup> Mii funŋɔ sàha wwɔ mu Kile kuni ƚaaraŋkanni niƚcenni na mɛ, mu nulyage Loyisi ná mu nuŋi Enisi à lire ndemu ƚaara mu yyaha na ke. Mii mú s'à tɛɛn ná l'e na mu à kwôro lire kuni i.

<sup>6</sup> Lire kurugo tɛni i mii à na cyeyi taha mu ƚùŋke na maa Kile ƚáare, ka mu u Kile màkange ŋkemu ta u báaraŋi mɛɛ na ke, maye ƚwɔ bà kuru si mpyi si ŋkwôro mu cye e mɛ. <sup>7</sup> Kile Munaani ká wuu yyaha cù, wuu saha ƚye a yaa wuu a fyáge mɛ, ƚaha na ye li sí fànha kan wuu á, si tàange le wuu zòmƚyaagil'e, si wuu pyi wuu cù wuye na. <sup>8</sup> Lire kurugo ma hà raa silege s'a wuu Kafoonji Yesu kyaa yu sùƚƚir'á mɛ. Mii mɛɛ ƚye kàsuni i u mɛge kurugo ke, lire kà mpyi ma á silege kyaa mɛ. Nka maye ƚwɔ Kile fànhe niŋkange na, ma a ma nàzhan lwó kyaage e mii fiige Jwumpe Nintanmpe ƚjwuŋi kurugo.

<sup>9</sup> Kile u à wuu shwɔ, maa wuu yyer'a pyi sùƚƚii fwɔnrɔ baa wuu. Wuu kacɛnŋkii kurugo bà u à lire pyi mɛ, wuu ná Yesu Kirisita wwoƚɛɛge kurugo, u à ƚwɔ wuu na maa lire pyi mà tàanna ná u ƚƚii wuuni i, mà diƚyeŋi ta u sàha sìi mɛ. <sup>10</sup> Numɛ u à lire kacɛnni cyêe wuu na wuu Shwofoonji Yesu Kirisita

mpanji cye kurugo. Uru u à fànha ta kwùñi na, maa li cyêe na wuu aha ñεε Jwumpe Nintanmpe na, wuu sí shìñi ñiñkwombaañi ta. <sup>11</sup> Puru Jwumpe Nintanmpe ñjwuñi kurugo Kile à mii pyi u tùnntunño. Mii na puru jwumpe yu sùpyir'á marii pi kâlali pu na. <sup>12</sup> Lire kurugo ñke yyefuge puni ñye mii ñuñ'i. Ñka lire ná li wuuni mú i, lire ñye mii á silege kyaa mε, ñaha na ye ñgemu na mii à na cyεge taha ke, mii à uru cè, mii mú à tēen ná l'e, nde mii à kan u á ke, li síñi ñye u na mà lire màra fo ñiñye canñkwōge.

<sup>13</sup> Ñye Timōti, jwumpe sèe wumpe mii à jwo mu á ke, puru yaha maye funñ'i, maa maye pwō Kile kuni ñaarañi na. Ntāannamagare ti ñye na ntaa Yesu Kirisita wwoñεεge e ke, ta ma karigii pyi ma a ntāanni ná tire e. <sup>14</sup> Jwumpe Nintanmpe p'à jwo mu á ke, ma hà wà yaha u a pu labali u a yu mε. Pu màra ná Kile Munaani fànhe e, lire ndemu l'à tēen wuu e ke.

<sup>15</sup> Mu à cè na Azi kùluni dánafeebii pun'à kàntugo wà mii na, Fijeli ná Erimōjeni mú na ñye pire e. <sup>16</sup> Ñka Onεzifōri wi ke, u à mii funñke ñiñye karii ñiñyahagil'e. Mii kàsujyiini ñye a pyi u á silege kyaa mε. Kafoonji u ñùñaara ta u pyenge shiinbii na. <sup>17</sup> Tēni i u à pa naha Ōromu kànbwōhe e ke, u à mii cya fo mà mii ñya. <sup>18</sup> Kafoonji Kile u ñùñaara ta u na ñiñyeñi canñkwōge Kafoonji Yesu mεge na. U à kacεññkii ñcyiimu pyi mii na mà mii yaha Efese kànhe e ke, mu Timōti à cyire cè mà tòro sùpyire puni na.

## 2

*Kirisita sèebarapyiñi kani*

<sup>1</sup> Nye mii jyaŋi Timŏti, Yesu Kirisita à nwŏ mu na maa fàñhe ñkemu kan mu á, mu ná u wwoñeεe e ke, ta Kile kuni ñaare ná kur'e. <sup>2</sup> Kile Jwumpe mu à lŏgo mii nwŏ na shinñyahara nyii na ke, puru jwumpe jwo piiberil'á, wà sí n-jà cye taha mpiimu na, ná pire mú sí n-jà pu jwo piiberil'á ke.

<sup>3</sup> Ná mu sí nye Yesu Kirisita sòrolashi niñcennε, ma nàzhan lwŏ yyefuge e. <sup>4</sup> Kampyi sòrolashiŋi la nye si ntáan u ñùñufoon'á, u kapyiñkii saha nye a yaa cyi pyi shintiiwe wogii fiige mε. <sup>5</sup> Ngemu u nye na kajataferε fi mú ke, u aha mpyi u nye na fi mà tàanna ná tire tafεere kuzhεgil'e mε, urufoo si kajajjwooni ta mε. <sup>6</sup> Faapyiŋi u à màban le uye e sèl'e ke, uru sí n-fyànha u kanhare tðññi ta. <sup>7</sup> Karigii yyaha mii à jwo mu á ke, funñke cya cyi na sèl'e. Lire ká mpyi, wuu Kafoonjii sí mu tεε bà mu si mpyi si cyi puni yyaha cè mε.

<sup>8</sup> Funñŏ cwo saanñi Dawuda tùluge shinñi Yesu Kirisita na, u à kwú maa ñè a fworŏ kwùñi i. Puru Jwumpe Nintanmpe mii nye na yu sùpyir'á. <sup>9</sup> Puru jwumpe ñjwuñi kurugo, mii nye kyaage e, pi à mii le a pwŏ kàsunji i, mu à jwo kakuumpyi u nye mii. Ñka lire nye a li cyêe na Kile Jwumpe pi à le a pwŏ kàsunji i mà dε! <sup>10</sup> Mii à kuru kyaage puni kwú naye e, Kile niñcwəñribii kurugo, bà Yesu Kirisita si mpyi si pi shwŏ pi i mpyi Kile sìnampe e fo tèekwombaa mε. <sup>11</sup> Mpe jwumpe na nye kañyεε:

Wuu aha ñkwú ná Kirisita e,  
wuu sí n-pyi nyii na ná u e.

<sup>12</sup> Wuu aha kyaage kwú wuye e,  
wuu sí n-pyi fàñhe e ná u e,  
ñka wuu aha kàntugo wà u na,

u mú sí kàntugo wà wuu na.

<sup>13</sup> Wuu méε ká mpyi wuu nyε a jà a kwôro ná u e t̀erigii puni i mε,  
wuu a yaa wuu li c̀e u na nyε ná wuu e t̀erigii puni  
i

ɲaha na ye u nyε na núruli u ɲwɔmεeni ɲwɔh'i mε.

<sup>14</sup> Ta s̀ypyire funɲɔ cwo mpe jwumpe na, yi jwo a waha pi á Kile ɲyii na, na pi àha raa ǹakaante laaga baa woore pyi mε, kaɲwɔɔ nyε ti na mε, ti mú nyε na ti l̀ogofeēbii leni kuro ɲiɲcenni i mε, ti maha pi wuuni k̀eēge. <sup>15</sup> Mu wi ke Timŏti, maye waha ma a li cyēe Kile na na mu na nyε u báarapyi ɲiɲcenniε, bà mu si mpyi ma hà bú ɲ̀uzogoro ta ma báaraɲi cye kurugo mε. Ta Kile jwumpe yu ma a ɲwɔge, puru pu nyε s̀eɲi. <sup>16</sup> C̀u maye na ǹakaante laaga baa woore mpyiɲi na, ti nyε a táan Kile á mε, ɲaha na ye mp̄ii pi maha tire ǹakaante shiɲi pyi ke, ti maha pire laage t̀oɲge Kile na. <sup>17</sup> Tire ǹakaante maha kakyaare pyi, bà ǹkwombaaga maha fwónre na ɲk̀eēge mε. Imεε ná Fileti na nyε tire ǹakaante pyifeēbil'e. <sup>18</sup> Pi à s̀eɲi kuni yaha marii fini na Kile à d̀anafeēbii ɲè a yige kẁuɲi i mà kẁò, na kwuɲεε saha nyε mε. Lire pyiɲkanni na, pi à s̀ypyire tà ɲwɔ fáanɲa a yige Kile kuni i. <sup>19</sup> Nka Kile Jwumpe nyε na ɲk̀eēnɲi mε, pu na nyε mu à jwo бага nintaa ndemu l'̀à faanra a ɲwɔ ke, l'̀à séme lire nintaani na:

«Kafoonji Kile à u wuubii c̀e\*.»

L'̀à séme mú na:

«Shin maha shin u à jwo na uru na nyε Kafoonji Kile wu ke, urufoo u láha kapegigii mpyiɲi na.»

\* **2:19** Nomburu 16.5

<sup>20</sup> Mu aha jyè shinbwonji wà bage e, mu maha li nya na bage yaayi yà na nye seɛn wuyo, yà s'à yaa ná wyéɛfyinnji i, yà sí nye cire wuyo, yà sí nye cogo wuyo. Yajigiyi longara wuyi maha yaha canmbwoyi mɛɛ na, marii jígini ná yi sanɲyi i canmpyaagii sanɲkil'e. <sup>21</sup> Nye amuni li mú nye, ngemu ká láha kapegigii mpyinji na ke, urufoo sí n-pyi mu à jwo yajiginɛ longara wogo. Urufoo sí n-yaha uye kanni na u ɲùɲufoonji báaraɲi mɛɛ na. Urufoo kaɲwɔɔni sí n-pêe u á sèl'e. Urufoo sí n-bégele báaraɲi niɲcɛnɲi shinji puni mpyinji mɛɛ na.

<sup>22</sup> Timŏti, nàɲjiibii na ðirili pi ɲyii karigii ninti-imbaagii ɲcyiimu kurugo ke, laaga tɔɔn cyire na feefee! Maye waha ma a katiigii pyi, ma a mpyi dánasupya, ma a ma shinɲɛɛbii kyaa táan may'á, mpii pi nye na Kafoonji pére ná zòvynre e ke, mu ná pire pi bê. <sup>23</sup> Ma hà raa ma ɲwɔge leni nàkaante laaga baa woore e mɛ, tire maha ma ná yoge e. <sup>24</sup> Mà li ta Kafoonji Yesu báarapyi nye a yaa u a kàshi kwùun mɛ. U à yaa u a sùpyigire pyi ná sùpyire puni i, u mú à yaa u a sùpyire taanni Kile kuni ɲaaraɲkanni na, u à yaa u kari kú uye e. <sup>25</sup> Mpii pi nye na u kyáli ke, u raa pire leni kur'e ná lùtaanni i. Shwɔhɔl'e Kile sí pyinɲkanna kan pi á, bà pi funzɔnɲɔre si mpyi si ɲkɛɛnɲɛ, pi i sɛɛnɲi cè mɛ, <sup>26</sup> si funɲcɛnɲɛ ta si piye shwɔ Sitaanniɲi na, uru ngemu u à pi cù bà kànhaɲa maha yaaga cù mɛ. Pi kacuni li nye Sitaanniɲi á, pi raa uru ɲyii wuuni pyi.

### 3

*Dɲyɛɲi canzaɲyi kani*

<sup>1</sup> Nye Timōti, mu à yaa mu u li cè na diɲyɛɲi canzanɲyi sí n-waha sèe sèl'e, <sup>2</sup> ɲaha na ye sùpyire sí raa n-kòre tiy'á, ti funzɔnnɔre puni sí n-taha wyéɛɲi na, pi sí raa piye père, pi sì raa piye cyiin sônɲɔ me, pi sí raa Kile mege kèege, pi sì n-pyi ná pèen'i mà yaha tíi ná pi sifeebil'e me, pi sì wà kacennɛ cè me, pi mú sì Kile kuni kani là le dá e me. <sup>3</sup> Pi sí n-pyi sùpyigire baa ná ɲùɲaara baa shiin, s'a sùpyire sannte meyi kèege, pi sì n-jà n-cû kapegigii mpyiɲi na me, pi sí n-pyi shinpii, pi tafunɲi u sí n-pyi kacennkii mpyiɲi. <sup>4</sup> Pi sí raa sùpyire leni cye e, pi tɛɛnme sí n-pɛn, s'a piye père sèl'e. Pi sí ɲyii yige pi yabilimpíi ɲyii karigii kurugo mà tòro Kile ɲyii wogigii na. <sup>5</sup> Pi sí piye pyi sùpyire ɲyii na, mu à jwo Kile kuni ɲaarafee niɲcɛnmíi, mà li ta pi sì ɲɛɛ piye yaha Kile u a ɲkèɛɲi me. Timōti, laaga tɔɔn uru supyishinɲi na.

<sup>6</sup> Pi pìi maha jyè pyɛɲyi i marii cyeebii funɲɔ baa wuubii pìi wɔɔge ná pi ɲwɔtanyi i, bà pi si mpyi s'a ɲɛɛge pi jwumpe na me. Pire cyeebil'à kapegigii niɲyahagii pyi, maa pi ɲyii karigii shiɲi puni pyi ɲcyiimu cyi à kàntugo wà Kile kun'á ke. <sup>7</sup> Tèrigii puni i, pi la maha mpyi si kariii yyaha cè, ɲka pi sì n-sii n-jà sèɛɲi cè me. <sup>8</sup> Pire nàmbaabii na sèɛɲi tùnni, bà Zhanɛsi ná Zhanberɛsi\* à Kile tùnntunɲiMusa tùn tèecyiini i me. Pi funzɔnnɔre pun'à lwó a pwɔ kapegigii mpyiɲi na, pi Kile kuni ɲaaraɲi ɲye ɲùɲɔ baa. <sup>9</sup> ɲka pi karigii sì n-shà yyaha na me, ɲaha na ye shinɲyahara sí n-pa li cè na pi funɲɔ baa wuu pi ɲye, mu à jwo Zhanɛsi ná

\* **3:8** Yahutuubii na sônɲi na Misira ɲcèfeebii kyaa l'à jwo Ekizodi 7–8 i ke, pire pi ɲye Zhanɛsi ná Zhanberɛsi.

Zhanberesi.

*Timōti à yaa u kwôro Kile kuni i*

<sup>10-11</sup> Timōti, mu wi ke, karigii na mii à kâla ke, ná mii toronjkanni ná karigii mii la nyε si mpyi ke, ná mii Kile kuni naaranjkanni ná pyinjkanni na mii à cû naye ke, ná pyinjkanni na sùpyire sannte kyal'à táan mii á ke, ná pyinjkanni na mii à naye waha Kile kuni i ke, ná pyinjkanni na mii à kyaala sùpyire cye e ke, mu à pyi mii fiige cyire puni i. Mu à li cè na mii à kyaala Antiyōshi ná Ikoni ná Lisitiri kànyi i. Mii à kyaala wani sèl'e, ŋka lire ná li wuuni mú i, wuu Kafoonj à mii yige kuru yyefuge puni i pi cye e. <sup>12</sup> Lire pyinjkanni na, shin maha shin la ku nyε s'a Kile kuni naare Yesu Kirisita wwoŋεεge e ke, urufoo sí n-kyaala sùpyire cye e. <sup>13</sup> Ŋka shinpiibii ná kafinivinibii pi ke, pire sí yyaha le kapegigii mpyinji na, pi sí raa sùpyire wuruge s'a piye wuruge mú.

*Kile Jwumpe Semεni kaŋwōni*

<sup>14</sup> Mu wi ke Timōti, karigii na mu à taanna, ka mu u dá cyi sèenji na ke, maye pwō cyi na, nahana na ye mp̄ii pi à mu taanna cyi na ke, sèeshiin pi. <sup>15</sup> Mà lwó fo mu nyε nàŋkocyεere e, mu à Kile Jwumpe Semεni kâla a cè, uru Semεni jwumpe pu sí n-jà yákilifente kan mu á, bà mu si mpyi sí dá Yesu Kirisita na si shwō mε. <sup>16</sup> Uru Semεni jwumpe pun'à fwordo Kile e, lire kurugo pu tayyéreg'à p̄e, pu sí n-jà sùpya taanna, pu sí n-jà sùpya yeεe si u le kuni niŋcenni i, pu sí n-jà sùpyaŋi kúu, si u yaha katiigii mpyinji na, pu na lire puni ŋwōge. <sup>17</sup> Lir'à pyi bà Kile kuni naarafeebii si mpyi si fûnŋō s'a sì yyaha na kacεnŋkii shinji puni mpyinji i mε.



## 4

*Poli à Timōti pyi u yyaha le Kile jwumpe njwunji na*

<sup>1</sup> Mii sí yi jwo n-waha mu á, Kile ná Yesu Kirisita nyii na, uru ngemu u sí núru n-pa saanwa, si mpyi sùpyire nùŋo na, si kwùubii ná nyii wuubii sâra si ntàanna ná pi kapyiinkil'e ke, <sup>2</sup> na mu à yaa mu u a Kile jwumpe yu ma a fíniŋe sùpyir'á tèrigii puni i, tèewaa bâra tèteaan na. Pi aha kyaa pyi ndemu l'à para ná Kile kuni i ke, li jwo pi á. Ta pi yeŋe ma a màban leni pi e sèl'e, ma a pi taanni Kile kuni jaaraŋkanni na ná lùtaanni i. <sup>3</sup> Naha kurugo ye tène là na ma, sùpyire sí n-pa raa jcyíge kàlani niŋcenni lógogo, s'a pi nyii karigii pyi si ntaha cyelentiibii kafinivinibii pìi jwòh'i mpiimu jwumò p'à táan pi niŋgyigil'á ke. <sup>4</sup> Pi sí raa jcyíge sèŋi lógogo, jwunjyempe laaga baa wumpe pu sí n-táan pi niŋgyigil'á. <sup>5</sup> Nka mu wi ke Timōti, cù maye na tèrigii puni i, ma a kyaage kwú maye e, ma a Jwumpe Nintanmpe yu sùpyir'á. Báara maha báara Kile à le mu cye e ke, ma a uru pyi ma nò u tēgeni na.

*Poli à jwo u mbòŋi kyaa na*

<sup>6</sup> Mii wi ke, li saha si mò mε, mii sí n-kwù. Mii sishange sí n-wu n-pyi sáraga fiige. <sup>7</sup> Mii à báaraŋi pyi Yesu Kirisita á ná na zòmbilini puni i, bà zhìŋe niŋcenni maha zhì leni mε. Báaraŋi Kile à kan mii á ke, mii à uru pyi a nò u tēgeni na. Mii tafεer'a nò ti tēgeni na, mà mii ta mii à kwôro Kile kuni i. <sup>8</sup> Numε Kafoonji Yesu à mii tafεere sàraŋi yaha mii yyaha na niŋyiŋi na, mii sí ntiiŋi kajaŋjwooni ta. U à tíi, u sí sùpyire puni sâra sí n-tàanna ná pi kapyiinkil'e

dipyeŋi canŋkwoge. Mii kann'á bà u sí uru sàraŋi kan me, shin maha shin u à bégel'a u tènuruni sige ná funntange e ke, pire puni sí uru sàraŋi ta.

*Poli yeŋyi nizanŋyi Timōti á*

<sup>9</sup> Timōti, maye waha ma a mpa na yyére nume sasa, <sup>10</sup> ŋaha na ye mii wwoŋeŋi Demasi à kàntugo wà mii na, u funzōŋore pun'à taha dipyeŋi karigii na, lire e u à kàre Tesaloniki kànhe e. Kerezansi à kàre Galati kùluni i, Titi mú s'à kàre Dalimasi kùluni i. <sup>11</sup> Luka kanni u à kwôro ná mii i naha. Mu aha a si raa ma, yi jwo Marika á yii raa ma siŋcyan, ŋaha na ye u tayyéreg'à pèe mii báaraŋi i. <sup>12</sup> Mii à Tisike tun Efese kànhe e. <sup>13</sup> Mu nimpaŋi, ma a ntòro Torasi kànhe e Karipusi yyére, ma a na vāantimmbwōhe shwō ma a ma, ná mii sémebii, ŋka seŋge wuubii kyaa li ŋye mii na sèl'e.

<sup>14</sup> Tunntunnaŋi Alzandiri à kapii pyi mii na. Ŋka Kafoonji sí li fwooni tò u na. <sup>15</sup> Ta maye kàanmucaa u na mú, ŋaha na ye u à ntùŋke taha wuu na wuu jwumpe kurugo.

<sup>16</sup> Toŋcyiige e mii à kàre yukyaala bage e ke, sùpyaŋi wà tufiige ŋye a ŋen'a mii tège jwumpe na me. Pi pun'à kàntugo wà mii á, maa mii yaha naye niŋkin. Ŋka Kile kà lire kapiini fwooni tò pi na me. <sup>17</sup> Ŋka Kafoonji Yesu à mii tège maa fānha kan mii á, ka mii i jà a Kile Jwumpe jwo sèl'e, mpìi pi ŋye pi ŋye Yahutuu me, pire pun'à pu lógo.

Sitaanniŋi na ŋye mu à jwo cànrage, ŋka Kafoonji à mii shwō ku na. <sup>18</sup> Mii à li cè na Kafoonji sí mii shwō si mii pyi mii u láha kapegigii mpyiŋi na, si mii le u saanre e niŋyiŋi na. Ú à yaa ná pèente e fo tèekwombaa. Amiina

*Fwùji nizanji*

<sup>19</sup> Pirisili ná Akilasi shéere ma a Onεzifōri pyεngε shiinbii shéere mú. <sup>20</sup> Erasiti wi ke, ur'à tèn Kōrenti kànhe e. Torofimu sí wi ke, mii à yîri u yangwuñi taan Miletì kànhe e. <sup>21</sup> Maye waha, ma a mpa na yyére mà jwo wyeere tēni li nō ke. Ebulusi ná Pudēnsi ná Linusi ná Kolojya ná dánafeebii sanmpii pun'à mu shéere naha. <sup>22</sup> Kafoonji Yesu u kwōro ná mu i, u u jwō yii na, u u jwó le yii á.

**KILE JWUMPE SEMEŋI JWUMPE NINTANMPE**  
**New Testament in Senoufo, Supyire Farakala; spp**

copyright © 2008 Wycliffe Bible Translators, Inc.

Language: Supyire Sénoufo (Sénoufo, Supyire)

Translation by: Wycliffe Bible Translators

Contributor: Wycliffe Bible Translators, Inc.

**Copyright Information**

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Senoufo, Supyire

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

---

PDF generated using Haiola and XeLaTeX on 11 Nov 2022 from source files  
dated 29 Jan 2022

9c94658e-b59d-5cd7-bd2e-4e0770667d41